



**RAPORT  
MONITORIMI I SEKTORIT  
TË MJEDISIT NË KOMUNËN  
E PRISHTINËS**

**20  
22**



# RAPORT MONITORIMI I SEKTORIT TË MJEDISIT NË KOMUNËN E PRISHTINËS – 2022

Autor dhe botues: EC Ma Ndryshe

Rr. Fehmi Lladrovci 94, Prizren,  
Rr. Xhemajl Mustafa 9/1 LL-4 No.7

[www.ecmandryshe.org](http://www.ecmandryshe.org)  
[info@ecmandryshe.org](mailto:info@ecmandryshe.org)

029 222 771/038 224 967

Raporti “MONITORIMI I SEKTORIT TË MJEDISIT NË KOMUNËN E PRISHTINËS – 2022” është realizuar nga EC Ma Ndryshe, i cilimbështetet nga Agjencia Suedeze për Zhvillim dhe Bashkëpunim Ndërkombëtar, (Sida) përmes Programit të saj “Human Rightivism” që implementohet nga Community Development Fund – CDF.

Përmbajtja dhe qëndrimet e paraqitura këtu nuk përfaqësojnë qëndrimin zyrtarë të donatorëve.



Maj, 2023

# PËRMBAJTJA:

---

Hyrje

Gjetjet e raportit

**01**

Skema institucionale për planifikimin dhe menaxhimin mjedisor

Statistikat Kryesore - 2022

**02**

Korniza ligjore

**03**

Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit

**04**

Mbikëqyrja inspektive dhe raportimi mjedisor

**05**

Krijimi, grumbullimi, menaxhimi i të dhënave dhe sistemit të menaxhimit të dhënave.

**06**

Bashkëpunimi, koordinimi dhe pjesëmarrja publike

**07**

Licencimi dhe lejet mjedisore

Përfundime

Rekomandimet

Për EC

# Hyrje

Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunitat e Kosovës. Disa nga komunitat kanë drejtori të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

Ligji nr.03/L-025 për mbrojtjen e mjedisit

Ligji nr.03/L-233 për mbrojtjen e natyrës

Ligji nr.03/L-160 për mbrojtjen e ajrit nga ndotja

Ligji nr.2003\_3 për pyjet e Kosovës

Ligji nr.04/L-147 për ujërat e Kosovës

Ligji nr.04/L-060 për mbeturina

Ligji nr.06/L-035 për veprimtaritë hidrometeorologjike

Ligji nr.03/L-119 për produktet biocide dhe shtojcat

Ligji nr.02/L-53 për gjuetinë

Ligji nr.04/L-197 për kimikate

Ligji nr.04/L-174 për planifikimin hapësinor

Ligji nr.04/L-175 për inspektoratin e mjedisit, ujërave, natyrës, planifikimit hapësinor dhe ndërtimit.

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor
- Korniza ligjore
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- Mbikëqyrja inspektive dhe raportimi mjedisor
- Krijimi, grumbullimi, menaxhimi i të dhënave dhe sistemit të menaxhimit të dhënave
- Bashkëpunimi, koordinimi dhe pjesëmarrja publike
- Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit. Njëherësh kanë theksuar se burimet njerëzore dhe financiare nuk janë në nivel të mjaftueshëm, gjë që mbase reflektohet edhe në gjendjen aktuale mjedisore.

Në fund janë adresuar edhe disa rekomandime me qëllim të përmirësimeve dhe plotësimeve në proceset e Planifikimit dhe Menaxhimit Mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

# Gjetjet e raportit

---

## 1. Skema institucionale për planifikimin dhe menaxhimin mjedisor

Në Komunën e Prishtinës organe përgjegjëse për planifikim dhe menaxhim mjedisor janë Sektori për Menaxhimin e Mbeturinave, Ambientit dhe Eficiencës së Energjisë (SMMAEE) që funksionon në kuadër të Drejtorisë së Shërbimeve Publike.

ORGANI KOMUNAL	A ËSHTË THEMELUAR?	EMRI ZYRTAR	FUQIA AKTUALE PUNËTORE
Drejtoria	Po	Drejtoria e Shërbimeve Publike, Mbrojtje dhe Shpëtim	
Sektori	Po	Sektori i Menaxhimit të Mbeturinave, Ambientit dhe Eficiencës dhe Energjisë	1+7
Zyrtarët	Po	/	4

Numri i angazhuar i shërbyesve civil sipas deklaratave të zyrtarëve të SMMAEE nuk është i mjaftueshëm për kryerjen e detyrave të përcaktuara me kornizën ligjore, sipas tyre shërbyesit civil në SMMAEE kanë profilet e nevojshme profesionale për kryerjen e detyrave me kornizën ligjore, ku nga shkalla 1 (aspak) deri në 5 (shkëlqyeshëm) u kanë dhënë vlerësimin 4.

SMMAEE ka bërë të ditur se gjatë vitit 2022 punonjësit e këtij sektori kanë marrë pjesë në trajnime për kornizën ligjore ku kanë treguar për pjesëmarrjen në këto trajnime:

- Trajnime të organizuara nga JACA Japoneze për përgaditjen e dokumenteve për cilësinë e Ajrit, si dhe strategjitë për cilësi të ajrit (dokumente të nivelit qendror dhe PLVCA për nivelin komunal)

- Trajnime nga Agjensioni Suedez i Mbrojtjes së Mjedisit, trajnim për temën përgaditja e dokumentit “Plani i Komunikimit për Cilësinë e Ajrit” në kuadër të projektit “Ngritja e kapaciteteve për përdorimin e të dhënave mjedisore” dhe,
- Trajnim me temën “Vlerësimi i masave për reduktim të emetimeve në ajër” e organizuar në kuadër të projektit "Ngritja e kapaciteteve për përdorimin e të dhënave mjedisore" në Kosovë.

Ndërsa sa i përket trajnimeve të organizuara nga niveli qendror, komuna apo organizatë tjetër rreth çështjeve mjedisore zyrtarët e anketuar kanë përmendur këto:

- Trajnimin e mbajtur në kuadër të projektit NIRAS me financim nga MCC me titull “Vlerësimi i Ndikimit në Shëndetësi (HIA) dhe Komunikimi i Rrezikut nga Ndotja e Ajrit në Kosovë”, dhe
- Trajnimi nga fondacioni “Millenium Kosova” për cilësinë e Ajrit me temën Qeverisja dhe politikat në Menaxhimin e Cilësisë së Ajrit (MCA) - Krijimi (diskutimi) i kornizës së monitorimit dhe vlerësimin të politikave të cilësisë së ajrit në Kosovë.

Stafi i SMMAEE gjatë vitit 2022 kanë treguar se kanë shfrytëzuar të gjithë udhëzuesit profesional për planifikimin dhe menaxhimin e çështjeve mjedisore, por nuk ka dhënë detaje të më tutjeshme.

Statistikat Kryesore - 2022:

- Numri i zyrtarëve të angazhuar në SMMAEE – 4
- Numri i trajnimeve rreth kornizës ligjore – 3
- Numri i trajnimeve sipas fushës mjedisore – 2
- Numri i Udhëzuesve Profesional për planifikimin dhe menaxhimin mjedisor – 0

---

## 2. Korniza ligjore

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

SMMAEE ka raportuar se mbështetet në këto dokumente ligjore:

1. Në lidhje me Cilësinë e Ajrit, Komuna e Prishtinës shfrytëzon ligjin për cilësinë e ajrit dhe Strategjinë për cilësi të ajrit (2013-2022), dhe
2. Ndërsa në lidhje me Menaxhim të Mbeturinave shfrytëzojnë ligjin për mbeturina dhe Strategjinë për Mbeturina së bashk me të gjitha udhëzimet që burojnë nga to.

Zyrtarët e SMMAEE kanë shprehur bindjen se korniza ligjore mjedisore është pjesërisht e konsoliduar dhe se ka hapësirë për përmirësime. Ndërsa sa i përket vlerësimit të stafit mbi njohuritë rreth kornizës ligjore SMEE nga 1/aspak -5/shkëlqyeshëm, i ka vlerësuar me 5.

---

## 3. Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit

Sa i përket këtyre dokumenteve strategjike për planifikim dhe menaxhim mjedisor komuna e Prishtinës aktive ka Planin Lokal të Veprimit për Cilësi të Ajrit, Planin Lokal të Veprimit për Qytet të Gjellbër dhe Planin Komunal për Menaxhim të Mbeturinave. Në të njëjtën kohë zyrtarët e këtij sektori (SMMAEE), këto plane i konsiderojnë si të harmonizuara me planet e nivelit qendror.

SMMAEE në lidhje me projektet kapitale të nivelit lokal për rregullimin, promovimin dhe mbrojtjen e mjedisit ka raportuar vetëm dy projekte aktive që kanë të bëjnë me pastrimin e shtretërve të lumenjve, rregullimin e kanalizimeve atmosferike dhe me eliminimin e deponive ilegale.

Teksa, masat e ndërmarra për mbrojtjen e mjedisit në vitin 2022 sipas SMMAEE përfshijnë pastrimin e lumenjve dhe përrockave në tërë territorin e komunës, zvogëlimin në numër të deponive ilegale dhe organizimin e trafikut urban si masë kjo që ndikon në përmirësimin e cilësisë së ajrit.



## Planet e nivelit lokal për menaxhimin mjedisor SMMAEE

Lloji i planit	Emri i dokumentit	Statusi	Koha e hartimit	Kohëzgjatja e mandatit	Hartuesi	Disponuesh -ëmria e raporteve të zbatimit
Plani Lokal i Veprimit në Mjedis	Plane Lokale: Plani Lokal i Veprimit për Qytet të Gjellbër (PLVPGJ), dhe Plani Lokal i Veprimit për Cilësi të Ajrit (PLVCA)	<b>PLVPGJ</b> është përfunduar, <b>PLVCA</b> është draft, në procedurë	<b>PLVPGJ</b> – 08.2021 <b>PLVCA</b> - 2022	2027 - tutje	Prodhimi i këtij PLVQGJ-je është financuar nga Ministria Federale Austriake e Financave (BMF) KADC	/
Programet Mjedisore	/	/	/	/	/	/
Vlerësimi Strategjik Mjedisor	/	/	/	/	/	/
Vlerësimi i Ndikimit në Mjedis	/	/	/	/	/	/
Plani Komunal për Menaxhimin e Mbeturisë	Plani Komunal për Menaxhimin e Mbeturisë	Në proces	2023	2027	Komisioni nga Komuna e Prishtinës; GIZ	/
Plani Zhvillimor Komunal	/	/	/	/	/	/
Harta Zonale e Komunës	/	/	/	/	/	/
Plani i rregullimit të tokës	/	/	/	/	/	/
Programi për mbrojtjen nga veprimet e dëmshme të ujërave	/	/	/	/	/	/

## Projektet kapitale të nivelit lokal për rregullimin, promovimin dhe mbrojtjen e mjedisit nga SMMAEE

Emri i projektit	Statusi	Periudha e realizimit	Vlera e kontratës	Autoriteti kontraktues	Lokacioni	Fusha tematike	Partneri zbatues	Plani
Pastrimi i shtreterve të lumënjëve dhe kanalizimit atmosferik	Në zbatim	2023-2025	106,000+ 120,000 euro	K. Prishtinës	Prishtinë	Pastrim	N/A	Pastrimi i komplet rrjedhave ujore dhe kanalizimit atmosferik në qytet
Largimi i deponive ilegale	Në tenderim	2023-2025	600,000 euro	K. Prishtinës	Prishtinë	Pastrim	N/A	Largimi i deponive ilegale

## Masat e nivelit lokal për mbrojtjen e mjedisit nga SMMAEE

Masat	Masat konkrete	Statusi	Periudha e realizimit	Entiteti përgjegjës	Lokacioni	Fusha tematike	Plani/Vendimi
Masat për rregullimin e pellgjeve lumore në zonat urbane;	Pastrimi i shtreterve të lumënjëve	Shih në tabelen paraprake	/	/	/	/	/
Masat për mbrojtjen dhe zhvillimin e pyjeve;	/	/	/	/	/	/	/
Masat për mbrojtjen e vlerave të natyrës që shpall Komuna;	/	/	/	/	/	/	/
Masat emergjente për të normalizuar gjendjen e cilësisë së ajrit;	Organizimi i trafikut urban	Të kohës	Gjatë periudhës me ndotje të ajrit	Komuna dhe trafiku urban	Komuna e Prishtinës	Shërbim qytetarëve	Plan i përkohshëm
Masa të tjera për mbrojtjen e mjedisit	/	/	/	/	/	/	/

---

## 4. Mbikëqyrja inspektive dhe raportimi mjedisor

Komuna e Prishtinës nuk ka raportuar sa i përket inspektimit dhe hartimit të raporteve mbi zbatimin e kornizës ligjore të mbrojtjes së mjedisit. Ndërsa sa i përket hartimit të raporteve SMMAEE është përgjigjur duke treguar se hartohet vetëm një raport drejtuar AMMK-së sa i përket zbatimit të Planit të Menaxhimit të Mbeturinave në baza vjetore.

Edhe gjendja e deponive të mbeturinave sipas zyrtarëve të SMMAEE monitorohet, por vetëm e atyre deponive ilegale pasiçë deponi të licencuara nuk ka në territorin e komunës së Prishtinës, ndërsa vlerësimi i tyre nuk realizohet.

Sa i përket monitorimit të gjendjes së zonave të mbrojtura dhe monitorimit të gjendjes së pyjeve, identifikimin e çrregullimeve mjedisore, tejkalimeve të eksploatimit të resurseve natyrore dhe tejkalimeve të kushteve të vendgjuetive nuk është marrë asnjë përgjigje, pasiçë nuk janë përgjegjësi e SMMAEE. Por nga kërkesat që EC ka dërguar mbi shqyrtimet e gjobave për ndotje mjedisore komuna ka raportuar se gjatë vitit 2022 janë 33 gjoba mandatore për ndotjen e mjedisit edhe pse sipas tyre komuna nuk ka inspektor mjedisor.

---

## 5. Krijimi, grumbullimi, menaxhimi i të dhënave dhe sistemit të menaxhimit të dhënave

Sipas SMMAEE Komuna e Prishtinës në vitin 2022 nuk ka sistem të monitorimit të cilësisë së ajrit, dhe se monitorimi bëhet vetëm nga IHMK-së me anë të dy stacioneve aktive.

Po ashtu Komuna e Prishtinës nuk ka sistem të monitorimit të dheut, e as sistem të monitorimit të cilësisë së ujrave sipërfaqësore dhe nëntokësore. Ndërsa parashikimi dhe paralajmërimi i hershëm i vërshimeve dhe thatësirave, sipas zyrtarëve komunal të SMMAEE bëhet nga niveli qendror.

Ndërsa sa i përket sistemit të menaxhimit të të dhënave mjedisore zyrtarët kanë raportuar se komuna e Prishtinës nuk ka të ndërtuar sistem të menaxhimit të të dhënave mjedisore. Duke shtuar më tutje edhe faktin se nuk ka kapacitete të nevojshme teknike e as njerëzore për krijimin, grumbullimin dhe menaxhimin e të dhënave mjedisore.

---

## **6. Bashkëpunimi, koordinimi dhe pjesëmarrja publike**

Zyrtarët përgjegjës të SMMAEE bashkëpunimin dhe koordinimin me nivelin qendror në hartimin e akteve ligjore dhe nënligjore e kanë vlerësuar shumë korrekte.

Ngjashëm është vlerësuar edhe bashkëpunimi dhe koordinimi me nivelin qendror nga ana e SMMAEE sa i përket hartimit të strategjive mjedisore, ku kanë përmendur edhe pjesëmarrjen e komunës në rishikimin e strategjisë për menaxhimin e mbeturinave.

Sa i përket pjesëmarrjes publike gjatë hartimit të dokumenteve të planifikimit dhe menaxhimit mjedisor SMMAEE ka raportuar dëgjime publike organizohen për secilin dokument që hartohet nga ana tyre, duke theksuar se për planin e menaxhimit të mbeturinave kanë organizuar edhe takime paraprake. Ndërsa pjesëmarrjen e qytetarëve në këto dëgjime publike nga niveli shumë e kënaqshme (5) në aspak e kënaqshme (1) e vlerëson me numrin 4.

## **7. Licencimi dhe lejet mjedisore**

Në lidhje me licencat aktive dhe lejet mjedisore në komunën e Prishtinës zyrtarët e SMMAEE nuk kanë ndarë asnjë informacion.

## Përfundime

Gjetjet e këtij raporti janë validuar nga zyrtarët përkatës komunal, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë. Burimet njerëzore dhe financiare sipas tyre nuk janë të nivelit të mjaftueshëm, gjë që mbetet të reflektohet edhe në gjendjen aktuale mjedisore.

Bazuar në monitorimin e vitit 2022, konkluzionet nuk kanë ndonjë ndryshim të theksuar me ato të vitit 2021:

Komuna e Prishtinës ka të krijuara organe përgjegjëse për mbrojtjen e mjedisit, por kapacitetet njerëzore brenda këtyre organeve janë të pamjaftueshme si në aspektin kuantitativ ashtu edhe në atë profesional, ndërkohë ka pasur aktivitete të ndryshme për fuqizimin e tyre në raport me kornizën aktuale ligjore dhe rreth çështjeve mjedisore për stafin e SMMAEE.

Njohuritë e stafit komunal rreth kornizës mjedisore nuk janë të nivelit më të lartë, derisa përcaktimi i sfidave me të cilat ata ballafaqohen si rrjedhojë e mangësive ligjore në fushën e mjedisit ka qenë i pamundur për shkak të mos listimit të tyre nga punonjësit e SMMAEE.

Sa i përket këtyre dokumenteve strategjike për planifikim dhe menaxhim mjedisor komuna e Prishtinës aktive ka Planin Lokal të Veprimit për Cilësi të Ajrit, Planin Lokal të Veprimit për Qytet të Gjelbër dhe Planin Komunal për Menaxhim të Mbeturinave.

Ndërkaq janë evidentuar edhe dilemat rreth përgjegjësive, sa i përket monitorimit të gjendjes së zonave të mbrojtura, monitorimit të gjendjes së pyjeve, identifikimit të çrregullimeve mjedisore nga aktivitete të personave fizik ose juridik, rasteve të tejkalimit të eksploatimit të resurseve natyrore mbi kushtet e lejuara, shkeljeve në menaxhimin e burimeve drusore, jodruse dhe faunës së egër dhe tejkalimeve të kushteve të vendgjutive.

SMMAEE në Komunën e Prishtinës ende nuk kanë të ndërtuar sistem të menaxhimit të të dhënave mjedisore, për shkak të mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore.

Bashkëpunimi ndërinstytucional në hartimin e politikave publike dhe bashkëpunimin me organizatat jo-qeveritare në hartimin e strategjive mjedisore vlerësohet të jetë i kënaqshëm nga ana e SMEE. Ndërsa pjesëmarrja e publikut në hartimin e strategjive lokale, mbetet i pamjaftueshëm edhe pse organizimi i proceseve zhvillohet në përputhshmëri me ligjet në fuqi.

Në lidhje me licencat aktive dhe lejet mjedisore në komunën e Prishtinës zyrtarët e SMMAEE nuk kanë ndarë asnjë informacion.

---

## **Rekomandime**

- Të shqyrtohen mundësitë për shtimin e punonjësve profesionistë në SMMAEE
- Të organizohen trajnime për punonjësit e SMMAEE rreth kornizës ligjore dhe rreth çështjeve mjedisore;
- Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit;
- Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre;
- -Të rriten kapacitetet si dhe të shtohet mbikëqyrja inspektive dhe raportimi mjedisor;
- Të filloj sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të të dhënave mjedisore;
- Të avancohet bashkëpunimi në nivel qendror - lokal në hartimin e akteve ligjore dhe strategjive mjedisore; dhe
- Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore.

# Për EC

---

EC angazhohet për qëndrueshmëri ekonomike dhe qeverisje demokratike në nivel lokal (dhe rajonal) përmes mobilizimit të komunitetit, mbikëqyrjes së vendimmarrjes publike dhe partneritetit në zbatim të programeve dhe politikave zhvillimore.

Për përmbushjen e këtij misioni organizata zbaton projekte dhe nisma në kuadër të këtyre programeve: Qytete/Komuna Gjithëpërfshirëse, Zhvillim i Qëndrueshëm dhe Mjedis e Ndryshime Klimatike.

Ndërsa programi tjetër është ideuar si njësi mbështetëse për veprimin e organizatës dhe synon adresimin e tri sfidave të jashtme dhe të brendshme:

1. Vëllimin e pamjaftueshëm të dijës empirike në vend, përfshi të dhënat e besueshme statistikore, analizat e specializuara dhe mendimet profesionale,
2. Nevojën për konsolidimin e kapaciteteve të brendshme, veçanërisht në hulumtime, baza të të dhënave, analizë, menaxhim, zhvillim komunitar dhe ekspertizë sektoriale, dhe
3. Mungesën e qëndrueshmërisë financiare afatgjatë duke i diversifikuar burimet e të hyrave, me theks në ofrimin e shërbimeve për palët e treta.

Trekëndëshi konceptual që do të orientojë punën e organizatës në pesë vitet e ardhshme (2020-2024) ka këto elemente:

1. Gjithëpërfshirjen, 2. Qëndrueshmërinë, dhe 3. Dijen.

EC beson se demokratizimi dhe zhvillimi i gjithëmbarshtëm shtetëror është proces që duhet planifikuar dhe ndërtuar nga poshtë lart. Në thelb të qeverisjes demokratike qëndron hapja dhe përfshirja e të gjithëve në marrjen e vendimeve që kanë për synim të mirën e përbashkët, ndërsa planifikimi zhvillimor kërkon shfrytëzim racional të burimeve territoriale, pa e kompromituar përdorshmërinë e tyre nga gjeneratat e ardhshme. Si demokracia ashtu edhe zhvillimi duhen ndërtuar mbi bazën e dijës së shëndoshë që garanton vendime dhe veprime të mençura dhe vizionare.

## Vlerat kryesore të organizatës janë:

---

1. Paanshmëria - EC vepron në bazë të analizave të thukta dhe gjithëpërfshirëse dhe mënjanon veprimet e ngutshme dhe impulsive. EC synon të përkrahë dhe të shtyjë përpara alternativat të cilat në bazë të hulumtimit dalin të jenë më të përshtatshmet, pavarësisht nëse masa e shoqërisë nuk e përkrahin këtë opsion;
2. Aktivizmi - Anëtarët e EC do të jenë aktivistë të cilët angazhohen në baza të rregullta për të shtyrë përpara bashkëveprimin qytetar për të përmbushur misionin e organizatës;
3. Orientimi drejt rezultateve - Anëtarët e EC janë të orientuar për të arritur rezultate, ku përpjekja nuk i kënaq pritjet e organizatës në qoftë se nuk përfundon me rezultatet e pritura;
4. Komuniteti bazë e veprimit - EC do të jetë gjithnjë pranë komunitetit, duke mësuar nga qytetarët dhe duke ndërtuar konsensus për bashkëveprimin dhe formësimin e shoqërisë.



